


西北彙刊

中華郵政特准掛
號立券之報紙
中華民國十四年
十二月二十五日
發行

轉 龍 藏



轉龍藏在包頭東門外一里許。寺院蒼古。前有古楊百餘株。大可數圍。下有泉三泓。築方池以保清潔。池欄神三龍頭。口吐泉如涎下垂若綆狀。即甲乙丙處以馬車盛之。運入城。全鎮飲料皆取給焉。馮督辦西巡曾卜此築聖駐節。將為歷史上最有價值之紀念。

●第一卷第十六期要目

- 影片 轉龍藏
- 評論 讀馮督辦佳電感言
- 譯著 日人與我宋代文化
- 調查 張北縣調查報告(續)
- 計劃 豫民移墾合作社計劃
- 講演 龔實業廳長講演辭
- 特載 馮辦對於西北人民的盼望
- 政聞錄 馮督辦電稟直隸省議會
- 大事記 西北當局督甘之見見聞
- 雜俎 西北交通事業與世界
- 叢談 國內大事記，國外大事記，詩·格言·詞·歌·雜錄，西北風俗談(續) 中國北方人類學述(續)

●本刊啓事

本刊第十七期發行。適屆新年。應時勢之需要。求氣象之更新。擬將外觀內容。力事刷新。以示與時進步。藉慰閱者爭先快靚之意。台先聲明。統希鑒鑒。

祝詞

張虎多稅務總辦武景唐

浩浩西北。垠乎朔荒。濛莽乍闢。文物初昌。
卓哉彙刊。裔裔皇皇。洩天之秘。刷地之藏。
剖經鉅緯。甌圓納方。輜軒蒐輯。道鐸錙鎧。
狼胥嶽嶽。鷄塞蒼蒼。經營締造。繡鑄蒙疆。
功邁充國。業媲武鄉。屏翰邦國。於萬斯享。

▲本刊第一卷 第一期第十四 期要目

叢談	雜俎	大事記	政聞錄	計劃	調查	譯著	研究	影片
西北風俗談 (續)	詞，歌，雜	國內大事記， 國外大事記	西北教育一 年來發達之 概況(續)	西北教育一 年來發達之 概況(續)	察哈爾畜牧 試驗場計劃 (續)	綏遠農墾調 查記(續)	關於西北之 日人旅行記 述霍吉士之 中國生死關 頭倫	義和渠 西北畜牧與 國際貿易 (續)

▲本刊第一卷 第十五 期要目

叢談	雜俎	大事記	政聞錄	講演	調查	譯著	評論	研究	影片
中國北方人類學 (續)	西北風俗談 (續)	國內大事記， 國外大事記	西北當局對於 時局之意見	神教育 形式教育與精 神教育	綏遠農墾調 查記(續)	和平統一之關鍵 人遊記(續)	西北民治與民 意	對於關會之感 想	上堡公園

評 論

●讀馮督辦佳電感言

廷 璋

三代以下。用人者每喜言術。蘇老泉曰。御相以禮。御將以術。御賢將之術以信。御才將之術以智。彼固持之有故言之成理也。然術爲權變。禮爲常經。權變僅應一時之急。常經則垂永久之法。權變隨人而異。常經一定不移。故古今善謀國者。必創制以正本。不逐末而苟安。

制之最完善者。在今莫如歐美列強。在古莫如唐虞三代。而唐虞堯舜不過終身總統。已開世界共和民主之先聲。故其制爲尤優。其用人爲尤當。如知農者卽以爲后稷。知工者以爲共工。能若草木鳥獸者以爲虞。能明五刑者以爲士。能典三禮者以爲秩宗。能敷五教者以爲司徒。德高才大者以爲之長。德薄才小者以爲之佐。職務旣分。任之又久。故賢者功可以及於成。不肖者罪可以至於著。書曰。三載考績。三考黜陟幽明。非九載績用弗成。則舜不得以殛鯀。非三載言底可績。堯不得以禪舜。皋陶稷契之倫。皆終身一官而不徙。蓋其所謂陟者。特加之爵命。

祿賜而已耳。此任士之道也。

至於待遇恩威并用。三代中尤推周制。最爲詳晰。周時天子諸侯卿大夫士各有定祿。庶人在官者。祿亦足以代其耕。又推其祿以及其子孫。謂之世祿。於是養生喪死慶弔之費有着。士可以安心從公矣。猶懼其奢靡無節。終不得不貪鄙枉法以自奉也。故婚喪祭養燕享之事。服食器用之物。皆以命數爲之節。而齊其律度量衡之法。其命可以爲之。而財不足以具。則勿具也。財可以具。而命不得爲之者。不使有銖兩分寸之加。（卽用王荊公成語）禮制旣備。益以誥誡。若猶有踰閑蕩檢者。則不必盜逆等罪。亦可處以重刑。以防其爲傷風敗俗之漸。故王制曰。變衣服者其君流。酒誥曰。厥或誥曰羣飲。汝勿佚。盡執以歸於周。予其殺。猶懼不足以服其心。故天子爵雖最高。而非超絕於臣民之外。輿服食用。皆有定制。籍田親蠶。示民以則。在上者旣以至誠力行而爲之倡。凡左右通貴之人。皆順其欲而服行。則天下之不罰而止者必衆矣。此養士之道也。

總觀唐虞三代之制。一曰分工。二曰久任。三曰厚祿。四曰謹禮。五曰嚴法。六曰誠感。故人咸效命。事無不舉。今日歐美列強。用人之法亦頗相同。凡任專門職務者。必由專門學校畢業。用其

所長。自能稱職。既稱職。則終身以之。熟而生巧。成效益彰。信賴益切。積資升級。年功加俸。死傷有恤金。退休給原俸。雖教師猶如此待遇。中國古代似尙不及。但節儉之風不倡。奢淫之罰不行。則物質文明發達所致也。彼等雖未必能以私德相感。而其政黨揭櫫主義以相號召。亦有風行草偃之效。今日歐美各國政治修明。百業具興。未始不由於此。然則用人法度關係之大。豈待言哉。

乃中國三代以下。用人漫無法紀。取士則不憑學識而憑勢力。故夤緣倖進者多。而可以任事者少。將任以事。又不審才器而縱私意。故用非所長者多。而可以稱職者少。既授以職。又不久而遷之。使上不能狃習而知其事。下不能服馴而安其教。故雖賢者在位。能者在職。而其功不著。其業不成。與不肖而無能者殆無以異也。且制祿太薄。積欠又多。小人不兼農商之利。而欲應俯仰之需。則不能無毀廉恥以負累於世矣。又况濡染歐風。無其物質文明。而有其奢侈耗費乎。歷代重禁貪吏而輕奢靡之法。雖明太祖令府州縣衛之左。立一剝皮場。官府公坐之旁。各縣一皮。以警臧吏。而臧吏終未能絕跡。矧值此是非不明清議失效法紀蕩然之秋乎。中國今日自私自利。言不顧行者遍朝野。與談克己工夫。人格感化。更如柄鑿不相容矣。嗚呼。法度

陵夷至此。尙望賢者在位。吏治澄清耶。

馮督辦佳日電段執政。主張應改革者四。應整理者四。應提倡者二。應促進者二。於用人之道。尤兢兢三致意焉。蓋以其爲政治之本也。倘今日當軸。悉能洗除同鄉黨系宗戚之觀念。不問界限。惟賢才之是舉。循序漸進。各居職守。得盡所長。則賢才可得而進。政治可望澄清矣。倘一切駢枝機關。無事冗員。悉行裁撤。卽以此項節省之國帑。發給正式官吏之薪俸。則不特官職不濫。而且服官者可以養廉矣。倘崇節儉。明令禁絕一切餽送宴會浮文。則國人不致妄費無用之金錢。以失人格而傷國本矣。倘明白是非。主持公道。使善有所勸。惡有所戒。則能收潛移默化之功。以維持公共安寧之局矣。倘撤消王公制度。實行平民政治。文武官吏皆服平民之服。食平民之食。居平民之居。同平民之勞苦。爲平民盡心思。爲平民辦事業。力矯今日官吏不自檢束之失。則官吏可爲平民之表率。以爲先導矣。如是而謂中國不能長治久安者。吾不信也。

馮督辦爲此言而又能自行之。其設專門學校。登庸專門人才。是學古人分工之法也。部下循資漸進。不輕超擢。亦不輕革退。是學古人久任之法也。部下無閒員。在職少欠薪。制服薪水亦

有由公家津貼者。本年秋節。并贈各軍官父母皮衣一襲。此厚祿之遺意也。訂集義會及婚喪送禮法。恤金從重。禮物從輕。此謹禮之遺規也。官吏博奕飲酒挾妓筵宴吸紙烟。重則棍責監禁。輕則記大過。犯贓一元以上。卽予槍決。此治亂世用重典之舊軌也。朝夕孜孜講求治理。而自奉儉約。過於平民。訓士卒則重精神教育。勗將吏則曰愛國愛民。大公無私。至誠感人。是能以身作則者也。同志者其聞風而興起乎。

噫。辦大事者必賴賢才。漢高祖才氣遜於項羽。而知人善任。卒創業垂統。諸葛亮器識高於管樂。而事必躬親。卒困死蜀中。故賢才之得不得。關係事業之成敗。而賢才不得其用。則與愚不肖者相等。故用人之法。又足影響於賢才之功效。天下無地無賢才。而今日中國賢才若甚少者。因世俗摧殘之。使不得成賢才也。執政果有志挽回頹運。則本此電以立爲制度。化爲風俗。亦何難上與唐虞三代媲美。下與今日列強齊驅歟。

(完)

譯 著

●日人與我宋代文化(中村久四卽原著)

覺生譯

譯者按我國自變法以來。艷羨歐美文明。故學校之所教授。著述之所介紹。凡彼中所有。爲科學。爲哲學。爲政治。爲法律。爲經濟。爲社會問題。爲西人一家之主義。或言論。雜然前陳。應有盡有。莘莘學子。日手新籍。不問其爲物質爲精神。醉心既深。一若舍此無學。舍此無文化。舍此無救國之良策。舍此不復可以爲人。其卒也。於彼所謂歐美文明者。取其貌而遺其神。見其粗而失其精。而吾數千年來古聖先賢之精神文化。維持國脈於不墜者。棄之如遺。避之若浼。是以利未見而害已深也。不知國於天地。必有與立。其固有之文明。譬猶軀殼之有靈性。有此而國可久。無此而國卽亡。此種錯誤。今雖間有覺悟者。然爲數無幾。而大多數學子。今方飲鳩而甘。認賊作子。猛省回頭。尙不知其何日也。不圖翻閱日人論著。得有是篇。先賢緒餘。流傳三島。彼中明達。寢饋浸淫。得大修養。竟收起懦弱頑安。內攘外之効。我國士夫。能無愧死。爰爲逐譯。以餉讀者。庶幾有志之士。因愧生悔。因悔生悟。頓出昔日迷途。回復本來覺路。於古人平治齊修之道。身體而力行之。或可尋墜緒之茫茫。挽狂瀾於旣倒。況歐戰以後。強鄰休養生息。將及十年。近且挾其經濟政策帝國主義。捲土重來。外交多難。更非日本幕末之比。而今日膺外交之任者。又皆僅識千萬橫文。

罔識大義。以此擔當外交。其能不更下於日本幕末軟弱之外交乎。又日本文明。古皆取自我國。如王陽明學說。一入彼國。明公鉅卿。層見輩出。蓋彼於我國文化。不惟學之。且能實行。此卽彼能獲益而我反退化之大關鍵也。朝野志士。可不知所省惕哉。

一、島國與大陸

凡大陸附近之島國。恒受大陸之感化影響。自然界人事界莫不皆然。西方之英。其所受歐洲大陸之感化影響。多而且鉅。人所共知。而大體上類似英國對歐洲大陸之關係者。我島國之日本對亞洲大陸是也。例如日本于前數日間（十日上午之事）長雨之原因。果在何處。非氣象學專家。雖難詳爲解釋。然低氣壓和高氣壓之原因。一般的在支那大陸和南支那海方面。此專門家之所研究。不難共喻者也。伊古以來。支那之影響。無善無不善。常直接或間接影響於我日本。我日本人。因此而感化或感動者。難更僕數。今於其中拈出一例。其事約在千年前。卽我日人所受趙宋一代中之感化影響是也。

二、宋代外交之多事多難

中華之宋代。在漢族所立之王朝中。最有特色。中國除上古之夏殷周三代外。其後之漢唐宋。

亦可稱爲三代。以我日本而論。由漢唐二代所受之感化影響。決然不少。然由宋代所受者。比前二代。似亦無所軒輊。宋一代中。特色優點。非武備。乃文事。其時對外勢力。不如漢唐二代之盛。其地位爲不免弱國態度。亘一代中。外交多事多難。卒至不幸。竟亡其國。關於此種事實。宋人悲歌慷慨。其言論文章。傳入我國。（指日本）乃至爲我他山之石。或生吾人注意警惕之心。而得一種教訓。受益不淺。夫當時宗教藝術。由宋所受影響。自是不少。今姑從略。特卽宋人外交多難所影響於我國者。（其中以最近幕府末年維新初葉諸人所受之感化影響爲最著）略一言之。

三、宋代忠義與日本人

宋代開國之初。卽苦東北強敵契丹之侵擾。今其歷史。無庸多贅。其時學者政治家。對於戎狄生心。常有種種議論。其中有名著作。爲蘇老泉審敵審勢二篇。而此二篇。特爲我幕末有志諸人物所愛讀。故在日本。尤覺名高。蓋幕末之日本。西洋各外國。諸事壓迫。外交多難。有如宋室。故於外交多難之宋人論著。特別注意。饒有同情。所以樂於披讀。吉田松蔭。愛讀二篇。關乎此文。嘗述己意。賴山陽讀此。亦嘗感而賦詩。

不怪金繯困內民。汴燕接壤怯蹄塵。鯨波萬里環天塹。亦有虛聲能擾人。
蓋山陽先生。以爲如我日本。四面環海。有如此天塹。亦竟有虛聲威嚇。善能擾人之西洋各國。
不禁有宋人被偪契丹之感也。又鍋島閑叟公讀審敵篇。亦作詩云。

自古和親多誤國。誰知此事察機前。滿城風雪寒燈下。獨讀老蘇審敵篇。

歷來侵宋之契丹。不圖其北方之女真。日益強大。遂爲所滅。宋於此時。對於契丹之消滅。雖曰
安心。然自此乃與強大於契丹之女真。犬牙相錯。其對外益加困難。在此變化。實不啻前門拒
狼。後門進虎。武力衰弱。不敵女真之宋。其忠臣義士。憂時憂國。發爲言論文章。層見迭出。如胡
澹庵上高宗封事一篇。對於其時軟弱之外交當局。仗義執言。有類彈劾。而我日本幕末。勤王
攘夷之志士。對於彼時當局與西洋各國外交之軟弱。特別憤慨。尤愛讀之。藉以紓其激昂。兼
以刺激當局。其中如萬延元年土佐國山內容堂所作之詩曰。

誰教醜虜入燕城。八百八街羶氣腥。開帙獨誦澹庵集。失聲欲罵小朝廷。

山內容堂卽以胡澹庵文章養成其外交強硬之精神。攻擊幕府當局之外交狀態。斥爲宋人
之外交態度。

宋被女真侵寇之際。著名大將。卽爲岳飛。岳飛之忠烈勇武。不僅中國人民。至今感動。卽我日本。亦受其忠武之感化。且彼於武事以外。更精書法。其生平聚精會神所書之諸葛孔明出師表。石刻拓本。德川時代。早已流入長崎及鹿兒島方面。有志者多珍藏之。以學書道。論宋人書法。則趙子昂之書法。與其詩文繪畫。均具特色。然彼以趙氏宗人。乃竟不殉國難。屈服於其國仇之蒙古。失節事之。覺其詩文藝術上之優點。因是無形減色。於是無論其書法如何工巧。祇以不愛其人格。而排斥之。此我日本人中之所常見。縱有謂人與書各別。節取其書而學之者。然亦有於其字帖另取一種待遇者。如藤田東湖之學趙子昂書也。其法帖恒不置之机上。謂爲置之机上。則污其机。故常置之机下之席上。（日俗席地而坐。席上猶我國地面也。）夫學其書而又恐其帖之污机。滑稽已極。然東湖之節操。於此可見矣。以此之故。常告人曰。子昂之無節操。切不可學。且以自警。吾故曰。無善無惡。宋人之感化影響。我日本人最善受者也。

至我日人對宋爲蒙古所滅。其感想若何。則以宋爲古來我日人敬慕之漢人文化正統國。而滅宋之蒙古人。曾有侵入日本之嫌。是以對宋之忠臣義士。倍有同情。益加尊敬。而其中尤以文天祥之人格詩文之感化特甚。至有模仿其正氣歌而作者。如藤田東湖之正氣歌吉田松

蔭之正氣歌是。而此兩君之正氣歌。其養成我日本國人尊王愛國之念。更無庸贅。橋本左內獄中一句。

土室猶吟正氣歌

亦可見其受正氣歌之感者甚深也。又伊坂柳所之言曰。

寧爲文山死。不作松雪生。（松雪趙子昂之號）

其崇拜文文山。亦云切矣。最近寺門靜軒氏之靜軒文鈔。有文山正氣歌題文一篇。敘述久保田河陽特愛正氣歌。刻石於庭。令其子弟族人。以此爲忠節養成之本源。觀此正氣歌刻石文。可知其崇拜文天祥。亦罕其倫比矣。又佐佐木弘綱之歌曰。

身縱一朝朽。唯心無了期。（譯者意譯）

此佐佐木氏心憫文天祥見繫。檻送北京。禁錮而作者也。

次則與文文山大體同時之鄭所南。亦一種奇人。且爲忠臣。長詩文。工繪畫。宋室既亡。其畫蘭皆露其根。而不著土。人問其故。則曰。

我宋朝土地。爲蒙古奪。我所愛之蘭。已無託足之土。故祇能如此畫。

人哀其志。而奇其言。其畫亦以露根蘭而益有名。其露根蘭傳入我日本。令人感動。不亞於文天祥等之忠烈。詠之詩歌。不一而足。茲不贅述。最近余曾見大槻磐溪所畫之蘭。爲一小幅。其畫固佳。題句亦妙。爲

深山幽谷皆王土。不學所南描露根。

此爲反用所南畫露根蘭故事。以見日本君主萬世一系。（按日本憲法稱萬世一系。頗與始皇一世至萬世之意相仿。）天壤無窮。而深山幽谷。莫非王土。雖敬所南之志。而我則無庸畫露根蘭也。又江馬天江題露根蘭詩。其中有曰。

萬古綿綿一王土。豈同呼宋又呼元。

天江之意。亦猶磐溪之心也。

四、宋人著述之翻刻

我日本幕末。外交多事多難。其時人物。對於宋人之外患。同情既深。亦資借鑒。其所以深得他山之助者。以宋之忠臣義士。其所著述。翻刻最多。如文天祥詩文。其最著者。其翻刻更不能計。其次數及爲何人。總之有戶誦家弦之概。此外所翻刻者如左。

一、李伯紀忠義編（冢田大峯編） 文化元年刊 二、岳飛本傳 嘉永四年刊

三、李忠定公奏議選（賴山陽選） 安政四年刊 四、李忠定公集鈔（同上）文久三年刊

五、岳忠武王集 文久三年刊 六、千慮策 安政四年刊

七、陳龍川全集（按李伯紀名綱謚忠定岳飛追封忠武王陳龍川名亮）

此不過舉其犖犖大者。餘難悉數。例如陳龍川全集之外。或以文集或以文鈔等書名翻刻者。不下十餘種。而此等翻刻書中。大抵皆宋代外交議論。對於日本幕末西洋各國之外交。可供參考。或喚起注意者。其用意甚深也。

五、涅字之影響

宋之岳武穆。盡忠報國四字。涅於其背。其事亦最有名。日本山崎闇齋之高足弟子淺見綱齋。其所佩刀。書赤心報國四字。以供修養。此亦宋人之一影響也。

（完）

調 查

●張北縣調查報告（續）

壽立寬

行政機關人員

縣長馮紹韓。廣東順德縣人。年四十二歲。第二屆考取縣知事。簡任職國務院存記。歷任陝西沔縣、漢陰、寧羌、佛坪、大荔及河南鄆城等縣知事。本年由商都調署。於二月二十五日到任。署內組織前分第一第二兩科。現改組總務科。以次分內務、財政、教育、實業、四股。行政措施妥當。方法嚴明。故地方事業日新。月盛。輿論甚佳。行政經費每月八百九十七元。內知事月薪二百六十元。

交通

張北縣南至張家口。計陸路九十五里。（平常多稱九十里）旅行運貨。除駝馬外。尙有以下各車。

- 一、轎車。日行約九十餘里。由縣城至張家口。朝發夕至。每日車價約四元。
- 二、大車。日行約六十餘里。每日車價約三元。
- 三、汽車。每小時行四十里。每日十三元以上。

按張北縣至張家口道路崎嶇。沙石滿道。亟應由地方人民按畝按車抽捐。加工修理。以爲一

勞永逸之計。又汽車通行以來。交通頗稱便利。惟係商人營業。車價奇昂。平民無力乘坐。應請官廳規定價目。以便行客。

風俗

一、婚

(1) 婚禮 婚禮。用舊式結婚者多。用新式結婚者間亦有之。舊式婚禮。完婚時男家預備車轎。往女家親迎。娶回後拜天地。入洞房。第二日新郎新娘同至女家。第三日仍返男家。

(2) 結婚年齡 男子十六七歲結婚。女子十七八歲出閣。

(3) 禮物 定婚時女家索衣服、手鐲、耳環及其他裝飾品。即貧寒之家。亦索定禮錢一百元至二百元不等。迎娶時女家復索錢若干。俗名下茶錢。

(4) 贅婿 向無此種習慣。

(5) 童養媳 此種習俗甚少。惟由山西北部移來之家間有行之者。

按前項買賣式婚姻。亟應組織團體。多方勸導改良。同時呈請官廳出示嚴禁。以矯正此種惡習。

二、喪

(1) 喪禮 凡人死後三天或七天。定期出殯。掩埋土中親朋皆來弔唁。喪家備酒席以享客。並有酌謝。

(2) 喪費。 棺木及酌謝賓各費。自三十元至一千元不等。

(3) 禮儀 孝子以親疏。着孝服有等差。親朋密切者亦着孝服。

(4) 習慣 孝子尚守着孝服守制之禮。並須行燒紙唸經等事。

按薄葬厚葬均非。張縣人民用於喪費太鉅。對於死者無益。而於生者生計所受影響極大。似應由地方先覺之士。組織改良風俗會。分途勸導。尤須以身作則。藉示提倡。

三 其他

(1) 儉德 樸實尚禮。

(2) 貞操 人民好講古禮。崇尚廉節。男女工作起居相隨。無淫靡之風。

(3) 好尚 尚古禮。重農業。

(4) 惡習 洋煙賭博均未禁絕。女子纏足者尚多。衛生方面。更不講求。

按吸烟纏足。爲吾國種弱國貧之由。張縣僻在邊陲。民性富於守舊。全賴地方先覺之士。組織團體。竭力開導。且人民畏官。尤貴官廳嚴令禁止。庶幾改造社會。收效自速。

農業

(一) 天時

記者於十一月三日。(即立冬前五日)抵縣城。其時已降雪兩次。溫度在華氏四十四五度之間。風向以北風爲多。植物在清明節即已發芽。氣候頗適宜於農作物。

(二) 墾務

(1) 面積 已墾者三萬餘頃。

(2) 土質及地價 西北中三區地皆係砂質壤土。東南兩區地皆係腐植質壤土。均爲良田美壤。現在地價低廉。每畝四元至六元不等。

(3) 土宜 土壤肥美。栽培麥子、穀子、苜蓿、高粱、山藥、及各種豆類。均甚相宜。

(4) 農產種類 麥子、苜蓿、穀子、大麻、胡麻、菜子、高粱、大豆、豌豆、黃豆、蕎麥等。

(5) 播種時期及方法 播種在清明芒種前後播種多用樓斗條播。亦有用手撒播者。

- (6) 收穫時期及收穫量 收穫在白露前。收量大概每畝五斗至八斗不等。
- (7) 農產價格 價值每石六元至九元不等。而以麥子價值爲最昂。
- (8) 移民經過及成績 自清光緒十年起。始開墾。以後逐年增加。現全縣已成熟地有三萬餘頃。水田亦逐漸增多。農民約有二十九萬以上。在察區爲最富庶之縣。按張縣農民種田。均不施肥。以致良田變成瘠地。收量逐漸減少。以後務宜多開煤礦。廣植樹木。用作燃料。換出牛馬羊糞及作物蒿桿樹葉等爲肥料。以維地力而增收量。

(三) 園藝

園地四處。共計三十餘畝。土壤肥美。各種蔬菜果樹咸宜。果樹現有山桃一種。蔬菜現有蘿蔔、蔓菁、黃蘿蔔、芥菜、茄子、香菜、青菜、菠菜、君達菜等。

(四) 山林

- (1) 面積 延長百餘里。(2) 土宜 土多沙質。造林極宜。
- (3) 造林計劃 每年清明後植樹百株。

- (4) 樹苗 本地樹秧極少。多向內地採購。
- (5) 山價 荒地極多。而承領者極少。故地價

極賤。每畝領價至多不到三角。(6)樹株 現在已成活之樹。有三百餘株。(完)

計劃

●豫民移墾合作社計畫書

景房來稿

甲、引言

竊房有志墾牧。已非一日。而尤傾於西北。特衣布衣。冒嚴冬。圍糞爐。(西北冬俗。地爐多燃馬、牛、羊之糞。)探寶庫。(西北寶庫蘊藏。至今未宣。)既崇拜乎卜式。復竊慕乎蘇武。非弗知夫凍餒。冀有裨於民生。衡諸義利。違計甘苦。匹夫有責。寧甘遜讓。調查未及匝月。希望已覺無窮。一旦寶藏盡宣。不難國裕民豐。志士蒞茲。輒殷殷屬意。欣欣色喜。思有以宣洩之。開發之。恒依依而不忍去者。良有以也。夫西北無教育實業之可言。雖盡人而知之。則非盡人而能提倡之。推廣之。振興之。馮(玉祥)督辦暨張(之江)李(鳴鐘)兩都統。自蒞任以來。苦心經營。積極進行。然只限於官府。民衆起而自決者。實屬寥寥。縱有內地之三二墾牧團體。亦因辦理不能盡善。成績少有可觀。而歷年所獲之利益。已不知凡幾矣。以荒地無垠之西北。僅來此團。直如蒼海一粟。奚濟於事。而關中踵來之志士。每感資本闕如。恒致計畫泡影。興盡而返者。比比皆是。

房不敏。竊願貢芻蕘。謹就西北墾牧各事。爲父老陳之。幸祈鑒核而垂教焉。

乙、公啓

逕啓者。吾豫人稠地窄。百物昂貴。民生困難。已達極點。（按敝村。卽平皋村。距溫縣城東。共十八里。村里銜接。墳墓纍纍。幾無田地。全縣統計。每人平均地畝不及五分。卽百二十方步。）西北天富之區。地曠人稀。（每人均地。至少百畝以上。）物產豐裕。適於殖民。自 馮督辦蒞任以來。對於開發西北各事。無不積極改進。內地農民。踵來購地墾殖者。不下五千戶。（大半在五原縣境）而五千戶中之來自豫省者。尙不及百分之三。誠憾事也。推厥原因。實由於吾豫全省糜爛。（污吏劣紳。互相狼狽。橫征暴斂。民不聊生。兵匪劫掠。兇災迭乘。父母妻子離散。歲無片刻之安。如此顛沛塗炭。寧非全省糜爛。）無暇顧及。遠涉河山。阻隔晉直。提倡乏人。有以致之。然亡羊補牢。未爲晚也。所以吾豫移墾團體。亟待組織。第茲移殖宏業。端賴偉人鼎力。或作登高一呼。或投資相濟。拯此饑餒同胞。置諸飽煖樂土。成績可觀。功德無量。弗但利己。而且利人。匪惟救國。直能救民。耿耿赤心。披肝直陳。校正缺陋。頂感無旣。救世君子。（仗義投資。拯此饑餒。旣弭西北邊防之患。亦解吾豫人滿之憂。揆諸功德。爲無量數。）盍歸乎來。

丙、調查

日人經營滿洲之成績。早爲國人所注目。而抑知第二之滿洲如熱察綏三特別區域。又爲倭寇垂涎者乎。試讀日人西山榮久所著中國三特別區域事業之將來一書。卽知之也。夫西北寶藏未宣。人多知之。其實在情形。因各省書報多未披載。故知者絕少。茲就調查所得。摘要述之。以餉同志。

(一) 農墾 西北農墾事業。極饒興味。臨河小縣。差足發展。他縣無論矣。該縣舊隸外蒙。數月前尙在蒙人之手。近來西北當局。贖自外蒙政府。始置爲縣。地勢西南高而東北低。南北闊約四十餘里。東西長約二百餘里。面積不下四萬五千頃。中開幹區七道。(內有渠河兩道)每一幹渠。又開支渠若干道。幹渠之長者。約二百餘里。短者亦有數十里。支渠則宛如蛛網。佈滿全境。渠隄高者過頽。低亦及膝。故無處不能灌溉。且土壤膏腴。無須施肥。舉凡大麥。(包頭市價。十八桶斗。每斗五角陸分。)小麥。(一元)莜麥。(土人爭食之。價與小麥等)蕎麥。(六角四分)高粱。(土人用以飼畜。價僅五角)玉蜀。(六角七分)胡麻。(土人取以榨油。咸爭食之。價一元二角)菜子。(榨油原料。七角七分)穀子。(碾成小米。

一元)黍子。(碾成黃米。土人爭食之一元。)黃豆(一元)綠豆。(土人爭食之一元六角)豌豆。(九角)……之類。概可不靠雨水。產量恒逾八斗。而人口統計。僅兩千戶。(尚不及吾豫之一大村)然此兩千戶人。竟無一家購置土地者。蓋以該地前屬外蒙。若輩皆爲蒙古政府之佃戶。(於此可知名爲農墾。實則熟地甚多)外蒙屬地。概不售給私人故也。今者地歸國有。政府設局放墾。無論土著移民。概須納價領地。按地殖民。每戶領地百畝。足容四萬餘戶。投資總額。約需一千萬元。(墾務局定價。上地。卽熟地。每頃。卽一百畝。價洋百二十元。中地。卽熟荒。每頃。價洋百元。下地。卽生荒。每頃。價洋八十元。外納築城費。每頃大洋二十元。概分三年繳清。墾民領地。每百畝。須有準備金百五十元以上。經政府核實。方准領地。所以嚴加限制者。殆恐不著成效也。)方能掃地墾耕。若云盡地之利。須在十年以後。今以領地百畝。共籌準備金暨墾夫。牲畜。農具。……各費合洋二百元。每畝收穫雜糧八斗至一石。每斗價洋平均以臨河市價五角計算。亦可年獲二百元至三百元之純利。(除去資本二百元。其餘皆爲純利。詳細情形另列預算)此其梗概也。本大利長。仍祈 投資諸君自定標準。

備考臨河(縣)在五原(縣)以西屬綏遠(特別區域)地居唯富一套(河套)之上游。係後套(土人稱舊河套曰後套)最富之區。距西包頭鎮約七百餘里。爲包(頭)寧(夏)蘭(州)鐵路必經之地。該路督辦王瑚現正積極籌備。併力進行。三五年包寧蘭(由包頭至甘肅)鐵路通車。(現已通行汽車)運輸便利。(土產易於輸出)臨河五原必變爲繁盛都市。彼時地價飛漲。不卜可知。此亦投資諸君亟應注意之一事也。五原(亦後套之一縣)大奈太(後套新置之設治局)地價更廉。每百畝價洋三五十元。惟灌溉遜於臨河。故不詳述。以臨河一縣而論。倘能投資一千萬元。將該地盡行開墾。年獲純利。已不下一千萬至一千五百萬元。(副業餘利。尙不在內)庇蔭貧民。利在國家。他項營業。恐無如此巨利也。

(未完)

講 演

● 龔實業廳長講演辭

馮靜山筆記

諸君以輔治爲目的。以宣講爲手段。將來服務時直接爲人民之導師。亦間接爲施治之宣洩

樞紐，關係西北前途，至爲重要。鄙人學識謬陋，對於諸君愧無精深之貢獻，然現在負有實業上的責任，姑就實業方面貢其一得之愚，以供宣講之參攷。諸君大概都是察綏兩區人，於察綏實業情形，必是狠清楚的，今姑舉其大略。蒙疆一帶，漢蒙雜處，而所操生業，各不相同，蒙人均以畜牧爲生，於農事絕不注意，漢人則多務農，然其農業粗疎不進步，不但去歐美遠甚，較之內地農人，亦大有遜色，以極淺顯之事言之，農人種地，當以肥料爲生產物之原動力，而口外農人，非特無製造肥料之知能，卽現有之肥料如牛馬駝羊等糞，均被用爲炊爨燃料，而不知利用之以改良土質，肥厚地力，一任土地天然之肥瘠爲肥瘠，所以瘠地之生產力自然薄弱，就是膏腴之地，亦因肥料不施，地力漸竭，不數年且變爲瘠地，諺所謂廣種薄收四字，實寫盡蒙地農業之狀況，故必於燃料一宗，另覓他物替代，俾農人咸注意於肥料之利用與製造，庶地力賴以增進，收穫自爾倍增，蒙地農業有改良發達之希望，又如水利，更是農業盛衰之命脈，綏區五原之河套，前有八大渠，現由馮督辦調撥軍隊更加疏鑿，農田水利，大有一日千里之勢，故山東及鄰近數省移民此間，幾踵相接也。察區既無大河流以資灌溉，而地多沙漠，雨量又少，每年播種，往往不免失時，加之氣候之變化頗劇，降霜甚早，播種一或愆期，以及缺

雨之時，無法灌溉均難得良好之收穫。救濟之法，宜多掘水井，及蓄水池，以備不時之需。如多倫之閃電河，亦可設法引之灌田，又低窪之鹼地，於山水暴漲時，引其溷水淤墊之，可轉變鹹質土性。

(未完)

特 載

●馮督辦玉祥對於西北人民的盼望

個個村子裏 家家要有的道理 人人必須實行的事件

(一)做國民的道理 國是人民的大父母。國要滅亡。甚於父母的去世。所以人人要愛國。不可只顧一身一家。要盡到國民的責任。要勤勞各自的職業。便能使國家的富強。纔是國民的道理。(二)做父母的道理 愛惜子女。姑息又不對的。期望子女。嚴迫又不對的。要拿道義涵養他們。纔知道真正做人的方法。不要以富貴引導他們。便成了貪污的性根。要教他們讀書。要教他們有一種技能或業務。(三)做子女的道理 學父母的好處。補父母的短處。在

父母跟前。時時要體貼他的歡心。以盡孝道。離開父母做事。處處求好。不要給他賺罵名。

(四) 做兄長的道理 自己退讓。纔能教弟妹們做效。遇有善能總要領着弟妹同行。不要存了一己利益的私心。要補助父母教育的不到。

(五) 做弟妹的道理 兄姐年長。是要尊敬的。兄姐的訓教。是要聽從的。匡救他們的過失。要先他們的勤勞。不可撒嬌。不可倚恃寵愛。

(六) 爲夫爲妻的道理 各守貞節。所以尊重自己。互相勉勵。都照好處實行。家庭之內。總要和順。愛國愛民愛人的事業。必須相輔而行。不可坐以待食。終身總是同心。

(七) 處鄰里道理 公共出入。須要友愛。誰有患難。互要扶持。有禮讓的風氣。不可有爭鬪的氣習。

(八) 交朋友道理 交結朋友。須注重道義。看見朋友的過失。要婉轉的規勸。凡是故舊。只要沒有大壞。不可輕於遺棄。切莫因勢利的厚薄。便顯出交情的濃淡。(完)

政 聞 錄

● 馮督辦電覆直隸省議會

李景林破壞和平之經過

暫緩攻擊以報命

急天津省議會諸先生公鑒。寒電奉悉。國內戰爭。素所反對。和平障礙。張作霖一人而已。日前雖戰事紛紜。然其中原委。容有爲貴會所不及知者。特詳述之。此次郭軍長率兵回奉。意在促進張氏下野。原約并不牽連他人。并擬定芳辰助郭倒張。事定以熱河兼讓。祥與芳辰情誼素厚。信使往還。接洽亦頗利。郭軍一出榆關。恐闕軍蹈襲其後。曾由祥電請芳辰派兵一部入熱。竟不果行。厥後芳辰舉棋不定。既不如約援郭。又不使敵軍假道。而郭軍長疊電請援後路。急如星火。以是敵軍乃轉道熱河。牽制闕軍。此皆經過之事實。請貴會質之芳辰。當知非虛。不意芳辰受人挑撥。驟失大信。通電誣詬。相逼太甚。祥抱和平主張。當然忍受。奈敵軍將領。均憤懣填胸。不堪欺辱。戰爭爆發。原非得已。孰爲戎首。當有公論。祥素主和平。始終貫澈。果有一線希望。絕不以武力自雄。敵軍師行所及。秋毫無犯。人民壅塞。歡呼載途。貴會代表民意。主持公道。誰爲擾民。當有良心上之公判。茲貴會既以人民痛苦爲言。當飭令本軍前方。暫緩攻擊。藉以報命。特電覆聞。卽希查照。馮玉祥篠。

●西北當局督甘之見見聞聞

禁烟 修路 興學 整理吏治 備籌軍醫教練所

一、嚴厲禁烟 甘肅居中國西陲。素以山河阻隔。交通不便。人烟寥落。不獨政治設施。因循敷衍。卽對於毒國病民之鴉片。亦久放任未禁。且恃爲財政收入一大宗。飲鴆止渴。剜肉醫瘡。以致烟苗遍野。流毒至今。此次劉蔣兩指揮及薛省長入甘。初承馮督辦意旨。本有嚴禁之決心。嗣因種種困難。復有急禁吃緩禁種之議。電呈馮督辦。茲馮督辦電復劉蔣兩指揮薛省長。認禁煙爲入甘第一善政。無論環境若何。決無討論猶豫餘地。其知行合一之精神。善惡分歧之判別。更不難于電文中得之。特將原電錄左。來電閱悉。禁止種烟一事。在軍事會議席上。羣謂如快刀斷絲。除此大禍。此議極是。繼復因財政問題。有急禁吸緩禁種之說。殊非正當辦法。大抵吾人辦事。其第一念多從良心出來。每一轉念。便因他種牽制。多所顧慮。此一念之差。實卽善惡分途之處。不可不注意也。種煙害民。人所共知。旣爲害民之事。則無論有如何理由。萬難姑息。仰卽共體此意。決然辦理。蓋禁煙爲入甘第一善政。不可不忍苦行之也。

●西北交通事業與世界

引起美國人之注意

年來已成汽車路線有一萬餘里

西北年來修築汽車路線。一日千里。不獨引起國人之注意。即遠隔太平洋之美國汽車雜誌。社印書館。欲編汽車運輸文料。特函請駐張美領事轉向西北官廳。徵求材料。以資考查。現西北汽車公司已將西北汽車路情形彙列表冊。函送交涉署請轉達美領事矣。茲錄其大要如下。(一)客貨車之總數。查張垣汽車合客貨兩項。共二百餘輛。百分之九十皆用道濟車。蓋此間客貨車並無若何區分。而道濟車之易於配置零件。最爲適宜也。(二)摩托自行車之總數。二十餘輛。惟不時常赴庫倫。(三)已成汽車路之里數。(甲)張庫路全線約長八百英里。(乙)張多全綫長二百英里。(丙)包寧路長四百餘英里。(丁)張平路全線長一百七十英里。(戊)平滂路長二百五十英里。(四)現正進行欲築汽車路之里數。(甲)寧蘭路二百英里。(乙)蘭延路長五百英里。(丙)張熱路長未詳。

二、分段修築汽車站。督辦以交通爲灌輸文化開發地方之利器。至爲重要。特規畫全省幹綫。電請天水寧夏各鎮守使道尹合力分段修築。以收衆擎易舉之效。其原電略云。甘肅地處邊陲。交通不便。遂致文化實業。無從輸入。至於行旅。尤感困難。現擬修築汽車道路。以利交通。

而便行旅。由蘭州至天水一線。應由馬營鎮分作兩段。北段歸本署派員修築。南段歸華清菽笠二兄派員修築。由蘭州至寧夏一綫。應由營盤水分爲兩段。南段歸本署派員修築。北段歸子寅三洲二兄派員修築。以期早觀厥成。除已派參議牟炯奎前往馬營鎮一帶。諮議居登榜前往營盤水一帶辦理外。務希曉諭所屬沿途各縣。均須遴派幹員。招集人民。幫同修築。爲盼等語。現由蘭州至寧夏之汽車路。已經修築告竣。通行汽車。行旅往來。莫不稱便云。

三、籌辦五族學院 甘肅毗連蒙古青海。內地又多回族。前清駐防滿族。亦復不少。因此種族雜處。宗教信仰。各不相謀。非以學術陶冶融化。則知識無由啓發。感情難於融洽。現沙明遠教育廳長除促進各種教育外。特籌設一五族學院。招收學生一班。先行上課。後再逐漸擴充云。

四、設立吏治研究所 爲養成吏治人才。以便澄清吏治與實行平民政治起見。特創吏治研究所一處。俾一般政界人才。入所研究。現已請沙教育廳長籌備一切。不日即可招生開課。

五、籌設軍醫教練所 劉蔣二指揮以甘肅軍隊。素無軍醫之設。以致患病兵士。無法療治。殊爲可憫。特令督署軍醫課積極在蘭州籌設軍醫教練所一處。培養適用軍醫人才。以便將來補充各師旅之缺額。現軍醫課正積極進行。一俟地址覓妥。即可招生開課云。

大事記

●國內大事記

嘯岩

十二月十二日●綏遠李都統鳴鑼討李景林○綏遠都統李鳴鐘統率西北陸軍二師六混成旅趕前赴敵督戰。並發出聲討李景林之通電。歷數其不仁、不義、不禮、不智、不信。五大罪狀。內有李氏爲我民國軍界之罪人。同胞之公敵。人人得誅。是以我全部將士義憤填胸。滅此朝食等語。●國民軍佔領馬廠○張宗昌李景林因狼狽爲奸。於馬廠駐有重兵。以資連絡聲援。現爲國民二軍鄧寶珊部攻下。茲將其捷電錄左。馬廠已於文（十）二日被我軍克復。敵軍由靜海小站一帶潰退。刻正肅清附近餘敵。約明日即分向靜海小站追敵。此次敵以全力對我。故戰事異常激烈等語。

大事記

十三日●國際列車與辛丑條約○京津戰事發生。日駐軍司令官小泉氏按照辛丑條約代表。日、英、法、意、美、五國

駐軍司令官向國民一二兩軍及郭松齡李景林發送通告。內列（一）按照一九〇二年之協定。貴國軍隊不得在距天津二十里以內駐紮。（二）天津若陷於交戰狀態時。不得在該區域內開駛飛機及投擲炸彈。否則即違背前項規定。（三）京津兩地軍隊交戰時。各國軍隊爲聯絡京津地方與海濱之交通計。得開行國際列車。若中國軍隊出於完全破壞鐵路之舉。或以其他方法妨礙此項列車之進行。則屬違背前項規定。北京爲首府。天津爲北京門戶。外人竟能駐兵自由。國人見此。對於不平條約。不知作何感想。●宋哲元部進駐朝陽○宋哲元部入滬河。因民軍響應。進占甚利。現已進駐朝陽。不日即可將境內完全肅清。

十四日●蘇聯要求中東路廢止華文華幣○中、日、俄、三國

聯運會議。蘇聯竟要求中東鐵路改換舊章。廢止華文。華幣。代以俄文俄幣。我國代表認爲有損國權。力表反對。雙方爭持最烈。雖經日代表出任調停。但蘇俄仍固執已見。不肯讓步。我國代表遂宣告退出會議。觀此則知蘇俄之真面目矣。日本決派警察赴瀋陽。日本政府已批准關東日本民事行政廳之要求。派遣警察一百名由漢城出發。前往瀋陽。維持該地之治安。此種越俎代庖辦法。請國人注意。

十五日 豫軍攻克德州之經過。據鄧寶珊電略云。繼旅長海亭(弓富魁)來電。八日由運河上岸向德州進發。當我軍夾河攻擊時。敵衆猛力抵抗。經弓旅長先士卒肉搏渡河。十二日即至德州城下。激戰八小時之久。敵衆潰退。即於是日下午六時。將德州完全克復。等語。

十六日 李景林之失敗。李景林自聯絡張宗昌之計畫

成功後。遂與國民軍挑戰。經過二十三十四等日之激烈戰鬥。國民軍義憤填胸。勇往前進。李景林已節節失敗。天津七倉一帶。被國民軍層層包圍。殆如釜底抽魚。不出一週。將作逃將軍云。郭松齡質問營口日兵阻止渡河。郭松齡派旅長馮參誠率兵一團到營口。河北車站。原擬赴河南岸保護各國僑民及外人商業。而日本派隊前來阻止。不准渡河。特致電日本駐北京。勞澤公使質問。略謂營口爲通商大埠。原駐之海防軍隊已逃。奉張方面。並無一兵駐守。絕無戰鬥行爲。除令白川司令官將不准我兵渡河之理由見示。且營口爲繁富之區。各國商務雲集。萬一將來發生危險。誰負保護之責。請明白答覆等語。

十七日 熱河駐軍悉改爲國民軍。熱河原有少數奉軍。均願投誠國民軍。特派代表至張家口求馮督辦改編。開馮已允一律改稱熱河國民軍。並將臂章改爲紅地。

白布上書「不擾民真愛國誓死救國」等字樣。

十八日●日本司令官警告張郭○日本關東司令官白川氏對張作霖郭松齡兩軍發出警告謂日本軍不特對於附屬地兩側及由鐵路終點起約二十華里以內之戰鬥予以禁止。即對於紊亂附屬地治安之軍事行動亦在禁止之列。此種非法（無條約根據）之警告是明明欲阻止郭軍對張賊作戰。是明明欲維持賣國賊張作霖。望國人注意。●吳佩孚大吹大擂召集十省代表會議○吳佩孚自用聯軍總司令名義電請蘇、浙、閩、皖、贛、豫、直、晉、鄂、湘、川、滇、黔、甘等十四省速派代表來漢。議決國是。聞各省莫不以一笑置之。

●國外大事記

十二月十二日●美參議員主張承認蘇俄○美國伊達忽州之共和黨參議員波拉。在上院提出議案。要求美政府承認蘇聯共和國。謂蘇聯政府業經八年之試驗。已

占鞏固地位。且該國所管轄之領土。極為重要。若不速與承認。恐將來世界紛擾。永無解決之期。云

十三日●國際聯盟會對裁兵計劃之第一步○國際聯盟會對於裁兵委員會所提議致函各國調查各該國對於私營兵工廠管轄情形。業已通過。要求各國華於明年六月一日以前答覆。

十四日●意大利國法之大革命○意國法西底政府曾在國會提出新法律案多件。現國會一致通過。茲舉其重要者一二。（一）總理對於國務一般政策。直接只對國王負責。侵害總理生命者。課以重罰。甚至死刑。以言論或行為侮辱總理者。課以罰金或輕罰。（二）義大利人民在國外有反對本國利益之舉動。由內務部長呈請國王發布命令。取締其國籍。或將其財產一併沒收。（三）在高等法院設立勞工法庭。凡工人與資本家一切紛爭。均由該法庭審理。

十五日●國際聯盟會關於裁兵電詢各國意見○國際聯盟委員會關於世界裁軍計劃業已籌備完畢並邀請美、德、俄、三國派代表出席裁兵委員會更致電各國徵求彼等對以下各問題之意見一、裁軍辦法二、如何實行及管轄三、攻守軍備之分別四、軍用與普通飛機之分別五、如何使各國有一定之軍力不超過裁兵聯盟會之數目

十六日●敘利亞法軍迭次敗北○法軍與敘利亞獨立軍在達馬喀斯城東部之戰事法軍迭次敗陣亡兵士數千人因法國與敘利亞之和議破裂後大多數敘利亞人民投入獨立軍因之聲勢愈振現法軍司令部已急電法政府求援

十七日●日俄庫頁油煤協定簽字○日俄庫頁油煤協定已簽字該協定係日政府根據日俄協定所提出期限四十五年油礦面積二千四百油畝（合二千六百英

畝）除租金外承租者每年須按最大出產額抽出百分之五至十五報効俄政府出產額年定三萬五千噸煤礦面積五十九俄方里（合一六五七九英畝）每年按最大產額納百分之五至八於俄政府出產額年定六十五萬并訂明期滿後全部產業交還俄政府不另索取代價

十八日●莫索爾國際聯盟終判歸英國○土耳其與英吉利相爭之莫索爾問題國際聯盟理事會判歸伊拉克版圖該理事會於宣布此判決時並劃布魯捨拉一帶為土耳其與伊拉克之疆界英國仍得繼續統轄伊拉克二十五年但土耳其代表於出席理事會時即代表土耳其政府宣言謂不僅決定國際聯盟會無權處理該項爭執（國際聯盟則聲言有處理該案之合法權利）並已準備拒絕聯盟會不利於土耳其之任何判決按此判決係根據英代表愛莫里之建議案并查先時規

定英之統轄該地。至一九二八年期滿。國際聯盟此種
不合公理而爲帝國主義張目之判決。預料必釀成國

際間絕大糾紛。及損失國際聯盟自身之信仰。

雜俎

詩

留別旅日諸君絕句

蓬山人向碧天行。破浪船如一葉輕。幾片白雲波萬頃。好風送我好山迎。
異鄉客本是同鄉。休悵伊人水一方。明月多情千里共。照人離別到三湘。

和譚石屏

黃克強

懷錐不遇粵途窮。露布飛傳蜀道通。吳楚英雄戈指日。江湖俠氣劍如虹。能爭漢土爲先着。此復神州第一功。媿我年來頻
敗北。馬前趨拜敢稱雄。

遊昌平十三陵

汪精衛

昌平園寢鬱參差。萬里來遊日未遲。地老天荒終有恨。山環水抱亦無奇。銅駝魏闕傷蕪沒。石馬昭陵空汗滋。索與虬松共
醉倒。不須惆悵讀碑辭。

雜

俎

三五

舌存

真武寺

宮廷障

上堡有寺祀真武。雲封山寺聞鐘鼓。枯僧穿破舊袈裟。神像森嚴兩廊廡。禪味方從靜處參。又驚鈴語似淋雨。作客何如出岫雲。萬里楚天望南浦。人間是處有桃源。何用出門尋淨土。

格言

懶散二字、立身之賊也。千德萬業、日怠廢而無成。千罪萬惡、日橫恣而無制。皆此二字為之。呂新吾
儉惰者、乃貪欲之刎頸。交儉惰者之腦、即惡魔之製造廠。德諺

浣溪紗

效蕃錦集唐

深鎖春光一院愁。此心曾與木蘭舟。夕陽慙見水東流。人世幾回傷往事。烟花三月下揚州。陽陵佳地昔年遊。
水篋銀床夢不成。杜鵑枝上月三更。夜深無語獨含情。羽騎參差花外轉。楚腰纖細掌中輕。步虛猶作按歌聲。
鸚鵡前頭不敢言。分明怨恨曲中論。天涯去住淚沾巾。蠟燭有心還惜別。梨花滿地不開門。繁華事散逐香塵。
深院無人草樹光。重幃深下莫愁堂。更教明月照流黃。萬井樓臺宜綉畫。一枝穠豔露凝香。寒輕夜淺繞迴廊。
昨夜星辰昨夜風。月斜樓上五更鐘。斷無消息石榴紅。嶺樹重遮千里目。漏聲遙在百花中。麝熏微度繡芙蓉。
不把雙眉鬪畫長。小姑居處本無郎。芙蓉別殿漫焚香。青草浪高三月渡。江流曲似九迴腸。未妨惆悵是清狂。

歌

勸禁賭歌

鄧長耀

飽食終日無事做。卽想聚會耍玩錢。多集無賴開賭廠。如犬逐臭蟻赴羶。呼盧吐雉不肯讓。孤注一擲錢百千。

膽小狐疑怕輸了。到底折算輸數結。胆大豪賭不在意。一晚輸了數百元。小則耗財又惹氣。大可傾家賣祖田。

那有賭錢能致富。那有常贏財不穿。那有靠賭能度日。那有賭騙作家傳。無有錢輸把衣當。賣兒賣女有誰憐。

天天如此無正業。夜間賭博盡開眼。十個賭徒九個懶。好吃好喝抽洋煙。有的輸急去偷竊。犯了案件要拘牽。

受刑不過亂誰咬。有無同賭皆牽連。拘在牢內難自在。心中好似滾油煎。重則徒刑輕罰辦。只有自怨自受憊。

賭竊犯罪誣又罪。數罪俱發難寬縱。始意藉賭來取樂。誰知樂無罪受焉。始意藉賭把錢騙。誰知折本不如前。

拋棄室家長不管。妻必怨恨夫不賢。傾了人家多少產。害了許多輕少年。有用光陰拋荒盡。一家大小淚漣漣。

賭到後來百無有。一身精光赴黃泉。勸告良民勿賭博。賭博之害見於前。拿定主意務正業。要把賭博立時捐。

有了銀錢生意做。較之賭博極安全。獲者大利家漸富。勞苦得來富絲絲。現奉總統禁賭令。故錄作歌把令宣。

不教而誅心不忍。願爾自新勿再滯。此事禁絕多爽快。不啻人人解倒懸。我作此歌心傷歎。盼望猛醒速改遷。

努力自愛並自立。從此決心不要錢。

● 雜錄

禽獸世界

(續)

尹血兒

(13) 善教之鷹

前清末葉。余因四故舅父馬公崑山經商錫蘭。乃奉慈命。隨侍出洋。留學於哥倫坡大學。曾聞動物學教授言。一雛鷹羽翼。

既已長成之後。其母即教之以飛翔之法。始而雛鷹尚貪巢中溫暖。不肯遠飛。其母亦不之怒。即往外含許多有刺之物。散布巢中。雛鷹自是不能安臥。其母誘至巢口。擠將外出。雛鷹為勢所迫。從高下墜。不免危險。然亦能乘其自然性。其兩翅徐徐飛矣。但初飛時。力弱而盡。故其母亦展翅於空中監視之。當雛鷹力竭時。其母即承接之。而保護其回巢安息。經此一次試驗。雛鷹雖受驚駭。其母亦不為意。仍依此法。逐日教其練習。必待雛鷹自能隨意遠飛而後乃已。其言如是。余初不敢盡信。後經屢次查視。始服其所言者。確有事實可證。嗚呼。世之為父母者。溺愛子女。不肯教其成材。不欲令其受苦。是其智識不如鷹矣。（旅印雜談）

尹血兒曰。旅印雜談。亦為拙著之一。書中所記。皆余留學時代之見聞也。（格言）鷹不與蛙戰 意大利

（廿）黑鷹啄蟬

元順皇帝時。河南陟縣禾將熟。有蟬自東來。縣尹張寬仰天嘆曰。甯殺縣尹。毋傷百姓。俄有黑鷹羣飛啄食之。（袁王綱鑑合編）

尹血兒曰。張縣尹之所為。得毋師法於唐太宗乎。然其為民之心。足以風矣。（格言）鷹不捕蠅 德意志

叢談

西北風俗談（內外蒙古）（續）

嘯岩

丙佛像與法器 佛像始自印度之錫叭密教。間接由西藏輸入。種類甚多。即在喇嘛教中亦不下百種。蒙人既深信佛。其佛像在蒙古。無論喇嘛與非喇嘛。極爲尊視。或供之廟宇家宅。或佩之胸前。佩之胸前者曰懷中佛。老幼男女均佩有之。意謂有所依託也。唯男子以銅製。刻佛名。女子以布製。圖佛像。或表示性別。微有差異。信仰之程度。尤以顛沛危急時爲最深。云。至於法器。喇嘛教中有數種。與內地佛教特異。且爲蒙人視爲護身符者。略分述之。(一)瑪尼哈爾。卽迴轉經器。其狀爲六角形。高一尺五六寸。寬約四寸。周圍刻西藏文字。內置西藏文字之經書。蒙人以誦經爲有意義。且深信每一迴轉此器。其功德篤於誦經數百萬遍。因此不識不知而轉之者甚衆。(二)祈禱筒。爲桶狀。用水、風、或器械迴轉之。參議之人。通行於前。必迴轉焉。但須自右。唯喇嘛自左。藉以此別僧俗。(三)祈禱壁。卽長方形之薄石板。而刻有唵嘛呢叭咪吽六字者。蒙俗以刻藏此壁爲無量功德。喇嘛因應人所需。特遍遊境內。於岩石或石板上刻此六字。以騙財民財者。(四)念珠。以堅木或玻璃、水晶、赤檀香等製成之圓珠。中穿以孔。以繩連綴成環狀。多套於頸上。垂於胸前。念佛時用以記遍次。蒙人甚尊視之。(五)克利加龍王及金剛五鉗釘。此器蒙人旅行時嘗佩之。謂可免盜劫及刀彈丸所傷。其製法由活佛死屍腐敗所生汁液和土塑成。克利加龍王及金剛五鉗釘之像。

(未完)

●中國北方人類學述 (續)

宮廷璋


吾今注意漢人。其他人民。僅以比較。故未精密分析。漢人則以山東(一百八十五人)直隸(一百一十四人)滿洲(九十六人)三處漢人爲標準。高麗人則以居於高麗北部及西伯利亞之東海濱者爲標準。滿人及達呼爾人則以居於黑龍江之瑗瑯縣者爲標準。

測量器。一量身尺。兩彎脚規。係赫滿 (P. Heruphu) 及泥利茄 (Zurich) 所製。背及四肢亦如頭面。其測量點全依一九一二年國際委員在稽內瓦所製之測量表。

以量身尺測量諸點。(1) 身長。(2) 耳孔高度。(3) 上胸骨口 (Suprasternal notch) 之高度。(4) 肩胛骨外端 (Acromion) 之高度。(5) 橈骨前部上邊之高度。(6) 橈骨針尖端之高度。(7) 中指尖端之高度。(8) 腿骨粗隆 (Trochanter) 上邊之高度。(9) 膝關節之高度。(10) 坐之高度。以彎脚規測量諸點。(11) 頭之最長度。(12) 額之最闊度。(13) 額之最闊度 (直徑)。(14) 面外觀上之長度。(15) 面解剖上之長度。(16) 額骨間之闊度。(17) 下顎兩旁角 (gonion) 之闊度。(18) 內眼間闊度。(19) 外眼間闊度。(20) 鼻高。(21) 鼻闊。(22) 耳之最長度。(23) 耳之最闊度。身長測量兩次。首次人直立。以背向器具而測量之。末次以之之側。向器具立。以量身尺。隨即量耳孔之長 (從地起)。於是從身長減耳孔之長。則得頭之高。不幸腓骨下端。未曾測量。因量身器常釘於板上。必再移易人之位置。而在野外為之。則甚不便也。

從肩胛骨外端之高。減橈骨前部上邊之高 (從地起) 則得上臂之長。其餘測量均可如此為之。(見下羅馬數字表) 是為絕對的測量。相對的測量。則以所取為比較之絕對測量。除某絕對測量。再以一百分之如

臂之相對長度 = $\frac{\text{臂之絕對長度}}{\text{身長}} \cdot 100$



●本刊分

銷處

中華書局 青年會 天聚齋 慶隆齋 文華齋 晉寶齋 德盛紙店 中學校 師範學校 集寧縣 福音堂 聚英書局 中華書局 西北各省 西北各縣 中華書局 北京大學出版

北京師大販賣部 富文書店(青雲閣) 佩文齋(東安市場) 英華教育用品公司 世界書局 餉華書局 法界世界圖書局 國民書社 文化促進社 中華書局 上海書局 出版合作社 樂天書社 寧波書局

科學圖書社 時中圖書館 共進書局 中華書局 東璧圖書社 文化書社 泰東圖書館 修業中學 湖南省立第二師範學校 中華書局 廣東大學售品部 丁卜圖書館 中華書局 新亞公司 中華書局

中華民國十四年十二月二十五日

第一卷 第十六期

版權所有

編輯者 發行所 印刷者 寄售處

張家口堡內小營房街 西北彙刊社 電話總局二三六 西北彙刊發行所 張家口上堡市圍內路北 西北實業印刷局 電話分局二〇二 各埠大書局

◀廣告刊例▶		◀定價報目▶			
久	底頁	全年五十二期	半年二十六期	每月四期	零售每期
	登面議	大洋一元	大洋五角半	大洋一角	大洋三分
	每半年	每半年	每半年	每半年	每半年
	面八元	面八元	面八元	面八元	面八元

郵費 本國及日本 每期一分 歐美各國 每期四分

優待 一、凡學校或團體或機關 具有圖記來函訂閱五册 以上者特別優待從廉

分銷 二、凡各書局分銷十册以 上及百册以上者另有優 待簡章

郵票代價以一分為限九五折扣

察安日報

本報自改印大張以來銷行日增已印發一千五百餘分各處訂閱者尚絡繹不絕敝報爲仰副閱者雅意起見現擬加印副刊以白話論說通俗圖書爲主倘承佳作見惠無任歡迎酬資從豐

新著
國語文法

定價一元

國語學講義

(九版)定價四角

新著
國語教學法

定價七角

以前三書皆係國立北京師範大學教授黎錦熙所編。商務印書館發行。內容新穎。堪作教科書或參攷書之用。

學林雜誌

●第二卷第二期要目

關稅自主之應付方略
海關組織考

勞工教育？奴隸教育？

清代詩人黃仲則評傳

爛肚寶！民間的傳說

天寶岩窟

馬克斯價值勞力說之討論

●每冊價廉二角。學生八折。總售處北京關才胡同甲八十四號本社。

孤軍週報

●第五十期目錄

十一月二十九出版

時事短評

第三次的北京示威遊行

時局前途的暗礁

關稅自主與裁厘

中國關稅之沿革

政治與理想

談政治理想的管見

河南政治調查簡報（通信）

本報每逢星期日出版。本埠二分。半年五角。全年一元。總發行所北京法大孤軍週報社。

新 京 報

消息靈通，主張穩健，總發行所北京前門外西河沿三號，

西北實業報

○ 議論平允，紀載精詳。○ 留心西北消息者不可不閱，

發行所歸化文廟街本館

○ 湖南通俗日報

○ 文筆淺顯，紀載翔實，發行最久，定價低廉，發行所湖南理問街本館